

Carol Britton di Costa Rica, ta un invitado pa e tan popular Festival di Buki pa Mucha 2013

ORANJESTAD (AAN): Tur aña e conocido Festival di Buki pa Mucha cu Biblioteca Nacional Aruba ta organisa cu hopi orguyo y dedicacion, tin otro tema. E tema di 2013 ta 'Deporte y Wega' y e lema ta: 'Buki buki den Wega, Pianan na Careda'. E festival aki ta tuma lugar di dia prome pa 8 di November 2013 y un grupo di autor y contador di buki pa mucha for di Aruba, islanan di Caribe Hulandes, Hulanda y otro pais ta bishita sesenta scol riba nos isla. Carol Britton di San José, Costa Rica, tambe ta un invitado.

Carol a crea di su experiencia den diferente manifestacion di arte y cultura, e proyecto pionero: 'Festival Flores de la Diáspora Africana' cu e obhetivo principal di pone na su luga y logra un reconocimiento grandi pa cultura Afrocaribense y Afrode-

scendiente en general. Carol tin un obra pa mucha titula 'Cuentos Afrocaribeños de la araña Anancy y sus amigos', di cual el a wordo haci parti di e curiculo. E ta un buki di texto pa varios scol na su pais.

Carol actualmente ta compila y ta edita un antologia di mas cu 50 escritor y poetanan di origen, Afrodescendiente y Sinodescendiente di 17 pais, cu a ser yama 'Antalogía Literaria: Tenemos la Palabra', cu lo wordo publica pronto.

Door di su trabao di encargo cultural, exigencia y reconocimiento den cultura y otro areanan di e fondo social, e Circulo Universal di Embahadornan pa pas, a otorga Carol, e titulo di Embahadora Universal di Pas.

Pa un siman largo Biblioteca Nacional Aruba ta presenta un festival di buki atractivo y diverso. Na e evento tan

